



東坡內制集卷第三

賜尚書左丞李清臣乞退不允批荅

元祐二年

日十八

卿以方聞之舉擢自厚陵禁林之選用於神考逮
受顧命弼予冲人義既同於戚休身豈輕於出處遽
欲引去聞之惻然姑安厥常以助子治

賜尚書左丞李清臣乞退不許批荅

元祐二年四月

日十八

祥除之初念我聖子所與共政不忘舊人而卿博學
多聞通練古今小心畏慎不見過失力引求去為之

惘然勉留輔予益祗厥服

賜文武百寮文彥博以下上第一表請

皇帝御正殿復常膳不允批荅

元祐二年四月二十二日

朕即位二年水旱繼作致災之故實惟冲人既迺及於無辜復貽憂於文母是以坐不安席食不甘味實欲深念厥咎豈徒見之空言而雨不崇朝農猶告病欲徇來請惕然未寧其一乃心勉正厥事毋重朕之不德以荅天之深戒

賜文武百寮文彥博已下上第一表請

太皇太后復常膳不許批荅

元祐二年四月二十二日

旱暵之罰自冬及夏天之降災如此其久則夫致災之道豈一日而然哉雖力行罪已之文尚恐非應天之實而卿等以膚寸之澤遽欲即安覽之惕然未敢自赦其交脩不逮務盡厥誠期茲歲於有秋雖復常其未晚

集禧觀洪福殿等處罷散謝雨道場青詞齋

文

德有愧於動天敢辭屢請道無私而應物豈間微誠霈一雨以咸周起三農於既病仰承靈貺莫報深仁集禧觀洪福殿罷散謝雨道場朱表

旱暵為灾禱求屢瀆賴神之賜需澤以時蓋至道之
無私豈不德之能致載陳謝懇少荅靈休

賜尚書左丞李清臣乞退不允批荅口宣元祐

二年四月二十七日

有敕卿綜轄樞機雍容廊廟義當體國謀豈先身往
喻至懷少安舊服

賜溪洞蠻人彭允宗等進奉端午布 敕書

元祐二年五月十日

敕彭允宗秩居裔壤心慕華風來備任土之儀遠效
充庭之實載惟勤悃良用歎嘉

賜集禧觀使鎮江軍節度使開府儀同三司

韓絳到闕生餼口宣元祐二年五月十二日

有敕卿力辭繁劇歸即燕安想見老成渴聞嘉話特
頒牢醴以勞駉駉

神宗皇帝禫祭

太皇太后親行祝文

寒暑之變忽焉再葺練祥之餘復將三月勉從即吉
之典莫遂無窮之哀

神宗皇帝禫祭

皇帝親行祝文

既祥之餘徙月而吉迫於先王之禮徒有終身之憂
瞻仰 聖靈伏深感慕

神宗皇帝禫祭

皇太后親行祝文

喪期有數禫月告終哀雖未忘禮弗敢過追慕之至
中外所同

賜文武百寮文彥博已下上第五表請

皇帝御正殿復常膳允批荅

元祐二年五月二十九日

朕以寡昧膺受多福常欲損上益下畏天之威矧茲
旱灾咎在不德而卿等以雨澤既至封章屢上勉從

其意甚媿于中夫天之有風雨雷霆猶朕之有誅令
賞罰朕不脩明其事何以責應于天永思其終無忘
納誨

賜文武百寮文彥博已下上第五表請

太皇太后復常膳許批荅

元祐二年五月二十九日

德積無素民罹其災精誠莫通禱不時應雖蒙膏澤
之報僅救焦枯之餘勉徇來衷猶虞後患其謹視盜
賊勲卹流亡益務交脩以裨不逮

景靈宮天興殿開淘井眼祭告里域真官祝

文

神游之庭并泥不食日辰之吉浚治以時諗爾明靈庶無悔咎

賜新除尚書左丞劉摯辭免恩命不允詔
敕劉摯朕昔聞卿言今任以政已試之效見于事功
廊廟闢人以次遷用宜其右不宜其左能於昔不能
於今豈有是哉

賜新除中大夫守尚書右丞王存辭免恩命

不允詔

元祐二年五月十六日

敕王存朕歷選百辟試之以事博厚而文剛毅而和
更涉變故德守不移無逾卿者大亨天下之利者任

天下之患居天下之樂者同天下之憂朕非以是富
貴卿也其何以辭

賜皇伯祖彰化軍節度使高密郡王宗晟生

日禮物二宣

元祐二年六月一日

有敕卿德茂宗枝望隆公袞推本派長之慶有嘉震
肅之辰宜是寵頒以綏壽祉

班荆館賜大遼國賀坤成節人使到闕御筵

口宣

元祐二年六月二日

有敕卿等肅將慶幣垂及都門遠涉暑塗想懃行李
式頒燕衍以示恩私

賜新除吏部侍郎傅堯俞辭免恩命乞知陳

州不允詔元祐二年六月十三日

敕堯俞連蹇三黜極遲十年士無賢愚為國太息如
珠玉之在泥土麟鳳之在網羅朕所以拔卿於文殿
之中用卿於期年之內天下拭目欲觀所為而乃引
微疾以自言指便郡而求去豈獨於卿有報國未遂
之歎亦將使朕獲用賢不終之譏勉復舊曹以全大
節

賜護國軍節度使檢校太師濟陽郡王曹佺

生日禮物口宣元祐二年六月九日

有敕卿世濟勲勞德隆藩戚屬此誕弥之日豈無燕
喜之私膺我寵頒永增壽祉

賜新除中大夫守尚書右丞王存辭免恩命

不允斷來章批荅元祐二年六月十二日

士有品目定于僉言器之廟堂蔽自朕志豈有僉言
既揆朕志不移而用過謙之詞反已成之命亟服乃
事宜無復云

賜新除中大夫守尚書右丞王存辭免恩命

不許斷來章批荅

為國不患於無人有人而不用之為患事君非難於

辭寵居寵而無媿之為難吾之用卿計已審矣卿之
自信又何疑哉

賜文武百寮太師文彥博已下上第一表請

舉樂不許批荅

元祐二年六月一日

先王之禮樂因情而立文君子之哀樂自中而形外
夫有莫大之戚則有無窮之悲先皇帝天震四方
子養萬物至今窮髮之表尚餘流涕之民而况宮庭
之間母子之愛粗畢三年之制遂講八音之和所未
忍聞非不欲作卿等謹於率禮薦於愛君徒欲亟舉
舊章顧未深明吾意三復太息難於通從

賜文武百寮太師文彥博已下上第一表請

舉樂不允批荅

元祐二年六月一日

禮之至者無文哀之深者無節故禫而不樂古人非
以求名琴不成聲君子以為知禮朕以宗廟之重
勉蹈先帝之餘履其位惕然而自驚用其物潛焉
而出涕未報昊天罔極之德常懷終身不忘之憂欲
從衆言亟舉備樂而金石絲竹乃悽耳之聲于戚別
搖皆泣目之具哀既未泯樂何從生再閱來章益增
感慕

賜文武百寮太師文彥博已下上第一表請

舉樂不許批荅

元祐二年六月四日

過密之制雖盡於三年追懷之私豈論於徒月金石在御惻然未寧吾不以一身之憂廢天下之樂今苑之郊廟用之軍旅州閭之會絃歌相聞獨盡餘哀止於中禁以為於義未害是故行之不疑

賜文武百寮太師文彥博已下上第一表請

舉樂不允批荅

元祐二年六月四日

朕少遭閔凶僅畢祥禫雖俛就企及非以過制為賢而創巨痛深不能以禮自克觀過其黨聖人許之禮曰喪三年以為極亡則弗之忘矣誠重違國老之忠

告姑欲盡人子之至情

賜太師文彥博等請

太皇太后受冊第二表不許批荅

元祐二年六月四日

吾聞聖人以天下為憂未聞以位號為樂也損已裕物畏天檢身此吾平日之本心非獨遇災而一教也孔子曰以約失之者鮮矣卿等以是輔我顧不美哉

賜集禧觀使鎮江軍節度使開府儀同三司

韓絳乞致仕不允詔

元祐二年六月四日

敕韓絳向以宏才卧護北道凡斯民之利病蓋一方之安危朕方虛懷以待元老冀疾病之有間得雍容

而造朝時聞嘉言以輔不遠告老之請殊非朕心

賜韓絳乞致仕不允詔元祐二年六月四日

元老在位邦之榮華徒以精神折衝非以筋力為禮
游神道館擁莠家庭於鄉同告老之安而國有貪賢
之美勉自輔養期於少留

賜同知樞密院事范純仁生日詔元祐二年六月十日

敕純仁卿天資文武世濟勲勞載嘉誕日之臨豈獨
私門之喜宜膺慶賜以介壽期

賜文武百寮太師文彥博已下上第四表請

舉樂不許批荅元祐二年六月九日

吾之本性以清淨寤寔為樂雖在平日無游觀聲技
之念矧艱難之後哀疚之餘中夜以興方食而歎將
不堪其憂者豈有意於樂哉雖欲勉從未能自克忠
告屢却愧歎兼深

賜文武百寮太師文彥博已下上第四表請

舉樂不允批荅元祐二年六月九日

鍾鼓以導和羽籥以飾嘉慶之飲食之節適於口體
之宜今哀麻之除莫敢逾制而琴瑟之御則有未安
卿等忠誠確然開俞至矣惟反求諸心而弗得故欲

行其言而未能推之人情當識朕意

賜太師文彥博等上第三表請

太皇太后受冊許批荅元祐一年六月九日

吾上順帝則下酌民言處以無心期於寡過御等以
為協氣既應羣謀僉同若固違典禮之常恐莫慰天
人之望遇災而懼昔者非以為謙聞義則遷吾亦豈
敢自必勉從故事以副嘉言

就驛賜大遼賀坤成節使副銀鈔羅錦被褥

等口宣元祐一年六月

有敕卿等遠持慶幣來講辭歡徒叙少休舍館既乏

首膺寵錫當體眷懷

賜新除試吏部侍郎范百祿辭免恩命不允

詔元祐二年六月十日

夫以天官之貳治夏卿之選簿書繁重條格紛委苟
非其人則士之失職而無告者多矣朕難其材不以
輕授卿有應務之敏而行之以勤有守官之亮而濟
之以通行其志何以辭為

賜皇姪楊王顥生日禮物口宣元祐二年七月十九日

有敕卿屬尊魯衛德重間平每臨載育之辰永錫無
窮之慶宜膺寵數以介壽祺

相州賜大遼賀正成節人使却迴御筵口宣

元祐二年七月八日

有敕卿等遠涉歸途再離秋暑駕言近郡少憇輶車宜示眷懷往頒燕俎

賜外任臣寮進表坤成節銀 敕書 元祐二年七月

二十日

致同寅之禮眷惟忠蓋良極歎嘉

雄州撫問大遼使副賀坤成節口宣 元祐二年七月

二十日

有敕卿等抗旃情好馳傳九疆遠涉暑途實勞驟馭特加存撫式示眷懷

賜新除知樞密院沈燾辭免恩命不允詔 元祐二年六月二十四日

二十日

敕安燾人才之難後古所私圖任以舊為國之常卿以瓌異之資荷艱難之寄慈勞靡懈望實愈隆雖云超陞不改疇昔徒以任之既久則責之宜專知無不為乃所望於卿者卑以自牧亦何補於國哉

賜皇弟山南東道節度使開府儀同三司

生日禮物口宣 元祐二年六月十八日

有敕卿以棟華之親葉瓜瓞之慶載臨誕日宜厚寵
頒服我異恩永膺介福

賜新除知樞密院安燾辭免恩命不許斷來

章批荅元祐二年六月二十四日

覽表具之論材考德聖人所以公天下難進易退君
子所以善一身權之以義孰為輕重訓兵論將威懷
戎狄卿以是事上豈不賢於逡巡退避也哉

賜新除知樞密院安燾辭免恩命不允斷來

章批荅元祐二年六月二十四日

覽表具之德稱其服臣主俱榮食浮於人上下交病

之為天下慮甚於卿之自為謀也思而後行有出

無反成命不再卿毋復計

賜安燾辭免恩命不允斷來章批荅口宣元祐二年八月五日

有敕卿以舊德簡在朕心成命既孚僉言咸茲宜即

祗受毋煩固辭

賜權陝府西路轉運判官孫路銀絹獎諭

敕書元祐二年六月二十八日

敕孫路宣力討臺惡心遠政相親矜要繕完保鄣諒
用有成不愆于素使虜無可乘之便民有之恃之安

乃眷忠勤不忘嘉歎

賜知蘭州王文郁銀絹獎諭

敕書

元祐二年六月

二十日

敕王文郁汝以禦侮之才當專城之寄百堵皆作三月而成非威服民夷身先士卒則安能以一時之役成無窮之利達于朕聽良用歎嘉

賜新除檢校太尉守司空依前開府儀同三

司致仕韓絳辭免恩命不允批荅

元祐二年七月七日

國家尊異耆老砥礪廉隅凡致為臣必厚其禮而况卿出入四世師表萬民身任安危位兼將相永惟

三宗眷遇之重宜極一品褒崇之榮成命既孚僉言惟允宜從中外之望固徇謙沖之私

賜韓絳辭免恩命不允批荅

元祐二年七月七日

朕惟耆老成人雖或謝事耄期稱道終不忘君其在丘園豈殊廊廟嘉猷入告卿其不易此心大事就茲朕之敢忘斯義命秩之數典冊之文不如此無以慰朕心而答民望國有常典卿毋復辭

瀛州賜大遼賀坤成節人使回程御筵口宣

元祐二年七月十日

有敕卿等抗旌來聘已事言還方次邊城少休候館

宜頒燕俎以勞歸駟

賜知樞密院事安燾已下罷散坤成節御筵

口宣

有敕卿等忠存體國義切戴君結妙果於三乘祝
慈闈之萬壽宜膺寵錫以示眷存

玉津園賜大遼賀坤成節人使射弓例物口

宣元祐二年七月八日

有敕卿等致命寶鄰出游禁籞爰敦射事以佐賓歡
宜桂審固之能式學珍良之賜

賜大遼賀坤成節人使庄餼口宣元祐二年七月八日

有敕卿等遠涉脩塗來陳慶幣舍館初定後馭賈勞

宜錫餼牽以昭寵數

賜大遼賀坤成節人使內中酒果口宣元祐二年七月八日

有敕卿等遠馳使傳申講隣歡既執贄以造廷亦展
幣而成禮宜加寵錫以示眷存

賜太師文彥博已下罷散坤成節道場香酒

果口宣元祐二年七月十一日

有敕卿等翊贊大猷倡先多士方
會以薦誠宜有寵頒以昭殊眷
慈闈之獻壽嚴法

賜知樞密院事安燾已下罷散坤成節道場

香酒果口宣元祐二年七月十一日

有敕卿等同竭忠嘉助成孝治方 慈闈之獻壽嚴

法會以薦 誠宜有寵頒以昭殊眷

坤成節就驛賜于闐國進奉人海筵口宣元祐二年七月十一日

元祐二年七月十一日

有敕汝等欵塞觀光趨庭效貢屬誕彌之稱慶均燕

衍以示慈 以服寵嘉式旌忠恪

賜殿前都指揮使燕達已下罷散坤成節道

場香酒果口宣元祐二年七月十一日

有敕卿等同罄純忠力脩勝果用祈慈壽既徽

宜有寵頒以昭眷遇

賜皇伯祖鎮南軍節度使開府儀同三司宗

暉已下罷散坤成節道場香酒果口宣元祐二年七月十一日

元祐二年七月十一日

有敕卿表率宗盟助成孝治祝延 慈壽仰扣佛乘

既畢梵筵宜加寵賚

賜平海軍節度使駙馬都尉李瑋已下罷散

坤成節道場香酒果口宣元祐二年七月十一日

元祐二年七月十一日

有敕卿等乃心王室同輸欲報之誠稽首

無疆之壽既成法會宜示寵頒

賜皇封楊王荆王醴泉觀罷散坤成道場

香酒果口宣元祐二年七月十一日

有敕卿等德冠邦家義兼臣子備勝緣於西竺祈壽
遐於南山宜有寵頒以成法會

賜新除依前靜海軍節度使進封南平王

乾德制誥敕書元祐二年七月八日

敕朕子養兆姓囊括四荒譬之於天豈吝膏澤卿守
藩滋久事上益虔高爵隆名極其榮顯庶緣又寵以
服民心其思盡忠以稱恩禮

班荆館賜大遼賀坤成節人使回程酒果口

宣元祐二年七月十六日

有敕卿等講成聘禮歸次都門復此少留逝將言邁
宜頒錢帛以寵行驂

皇帝達

太皇太后迴大遼皇帝賀坤成節書元祐二年七月

嘉月令辰萬生壽母珎函重幣交慶寶鄰已恭致於
德音復欽傳於慈旨其為感懌未易名言

皇帝迴大遼皇帝問候書元祐二年七月

四牡載馳遠勤於使介尺書為問申講於隣歡方履

素秋克膺純福益祈保護式副願言

太皇太后 皇太后皇太妃受冊奏告太廟

并諸陵祝文元祐二年六月十九日

次以祗事親闈庶幾孝治配德祖考既務極於推崇
篤生眇冲亦敢忘於褒顯將奉寶冊率循舊章消日
甚良先期以告

太皇太后 皇太后皇太妃受冊奏告景靈

宮茅處元祐二年七月十九日

伏以 親闈庶幾孝治配德祖考既務極於推崇
為生眇冲亦敢忘於褒顯將奉寶冊率循舊章消日

于神先期以告

賜前兩府并待制已上知州初冬衣襖詔元祐

二年九月十七日

敕元發歲將墜尸工告始裘宜頒在笥之珎以示維
藩之寵服之安煖體我眷懷

賜諸路知州職司等并總管鈐轄至使臣初
冬衣襖敕書

敕馮潔已王事靡盬日月其除屬霜露之戒寒待衣
裘而卒歲宜加寵錫以示眷懷

賜諸路蕃官并溪洞蠻人初冬衣襖敕書

敕瞻禮職在捍邊志常而內屬此嚴禁之候宜均輕
煖之恩服我寵頒益思忠報

賜諸路屯駐駐泊就糧本城諸負察等初冬
衣襖都敕

敕汝等久勤外服屬戒祈寒爰念捍城之勞普均
續之惠

西京應天禪院會聖宮備神御帳座畢功告

遷諸神御祝文

元祐二年八月二日

頃詔有司恭備帳座暫安別殿以作庶工既匠事之
告成宜真游之來復頒垂昭鑒及此良辰

西京應天禪院會聖宮備神御帳座畢功告

安諸神御祝文

元祐二年八月二日

幄坐告成允協歲時之吉靈游永奠復瞻天日之光
庶俾後人仰蒙餘慶

賜西南羅蕃進奉敕書

元祐二年九月三日

敕汝世為要服時欵塞垣志慕華風來備職貢載惟
忠恪良用歎咨

東坡內制集卷第四

賜熙河秦鳳路帥臣并沿邊知州軍臣察茶

銀合兼傳宣撫問口宣元祐二年八月十日

有敕卿等夙分邊寄深識虜情屬此歲秋勞於警備宜加寵賚以示眷懷

賜熙河秦鳳路提刑轉運茶銀合兼傳宣撫

問口宣元祐二年八月十日

有敕卿持節宣風久分憂寄調兵足食想極賢勞宜有寵頒以彰眷遇

賜觀文殿大學士光祿大夫知永興軍韓縝

茶銀合兼傳宣撫問口宣元祐二年八月
有敕卿釋政廟堂均勞方面兵民之重綏御實勞往
諭至懷仍加寵眷

賜皇弟武成軍節度使邠國公德生日禮物

口宣元祐二年八月

有敕卿棣華襲慶桐葉分封載臨震肅之辰特致壽
康之祝其膺寵錫以介神休

賜朝議大夫試戶部尚書李常乞除汧邊一

州不允詔元祐二年八月

敕李常在泮獻賦亦儒者之常挺劍疾關蓋孔門之

事雖然義有輕重理有後先與其自請捍邊治癘疥
之疾曷若盡瘁事國幹心膂之憂苟推是心何往非
報雖願受長纓而往者卿之本心然自以尺莖而鞭
之吾有餘力尚體此意姑安厥官

賜太師平章軍國重事文彥博宰相呂公著

自今後入朝凡有拜禮宜並特與免拜詔元祐

二年八月

敕彥博朕聞凡杖以優賢著之典禮蓋老無下拜書
於春秋魏太傅鍾繇以足疾乘車就坐自尔三公有
疾以為故事而唐司徒馬燧亦以老病自力對於廷

英詔使母拜今吾耆老大臣 四朝之舊德隆而望
重任大而憂深者惟卿與公著而已 云公著德與卿
而方資其著龜之告豈責以筋力之 禮公著德與卿
有拜禮宜並特免卿其專有為之報 略無益之儀母
或固詞以稱朕意

賜宰相呂公著乞罷相位除一外任不許批

荅 元祐二年八月

夫以才御物才有盡而物無窮以道應物道無窮而
物有盡凡今之患所乏非才以卿薦於愛君必能達
長久之策澹然無我可以寄託直之權二年于茲百

度惟正事既就緒民亦小康至於微疾之屢攻此亦
高年之常理卿其良食自輔為國少安譬如止水之
在槃豈復勞心於鑿物心且不勞而況於力乎

賜宰相 呂公著乞罷相位除一外任不允批

荅 元祐二年八月十五日

朕以天下之大知為君之難有朽索馭六馬之憂有
抱火措積薪之懼正賴多士協為一心朝夕以思彌
縫其闕凡令中外執事膂力之畢陳視吾一二老臣
進退以為節卿若無事而引去人將相顧而自疑而
况邊鄙未寧民多故而爭左右之老先自求於便

安則夫跡遠之臣何以責其盡瘁勉輔不遠期於有成

賜宰相呂公著乞外任不允批荅口宣元祐二年

十八日二

有敕全德之老朕所仰成大義未安卿當畏去純忠所激微疾自吟

賜新吟兼侍讀依前光祿大夫吏部尚書蘇

頌辭元祐二年八月二十七日

敕蘇頌朕惟右正人之求甚難其選以為直亮多聞之益宜莫如卿方虛懷於至言豈曲從於遜避亟

朕乃事母煩固辭

迎奉

神宗皇帝御容赴西京會聖宮應天禪院奉

安導引歌詞

經文緯武十有九年中遺烈震灋渭橋夾道千君

長猶是建元功西瞻温洛與神崧宇照瓊宮人間

悅仰成今古流澤自無窮

劄子元祐

臣近奉聖旨撰賜文彥博呂公著今後入朝免拜

詔書今又準內降旨免撰不允彥博辭免拜批荅

臣謹按禮經八十拜君命一在再至所謂拜君命者傳命而拜非朝見也然且不先周天子賜齊桓公胙曰伯父羞老無下拜公曰天威不遠顔咫尺下拜登受所謂無下拜者拜於堂上非不拜也然且不敢鍾繇以足疾乘車就坐疑若不拜然亦無明文君前乘車豈足為法而馬燧延英不拜蓋是臨時優禮無今後遂不復拜之文祖宗舊例如呂端之流以老病進對心心於臨時傳宣不拜今來彦博公著今後免拜指麾自是朝廷優賢貴老度越古今無可議者但臣是有司合守典禮兼恐彦博公著終不敢當以臣愚見不若允其所請若聖恩優閑者臣眷眷不已遇其朝見間或傳宣不拜是以為非常之恩臣忝備侍從懷有所見不敢不盡所有不允批荅臣未敢撰取進止

御寶批依奏脩撰允所請批荅進入

賜太師文彥博辭免不拜恩命許批荅

元祐二年

八月二十七日

卿義重股肱望隆堂陛陛廡遠則堂皇峻股肱逸而元首安故出異恩特錫苛禮而卿深執恭巽力守典刑確然自陳義不可奪勉從其意愧歎于中

賜太師文彥博辭免不拜恩命允批荅

元祐二年八月十七日

朕優禮師傅達德齒之尊以亟拜為可略古之道也
卿謹嚴朝廷明君臣之分以不拜為未安禮之節也
道並行而不悖義有重而難移勉徇所陳不忘嘉歎
賜宰相呂公著乞罷相位不許斷來章批荅

元祐二年八月十七日

孔子曰苟有用我者暮月而已可也三年有成夫以
聖人猶待二年而後成功況其下者今卿助我為治
自以為既成矣乎其未也譬如玉人雕琢玉中道而

之豈復成器哉

賜宰相呂公著乞罷相位不允斷來章批荅

元祐二年八月十七日

古者君臣之間率當千載一遇今聖母在位正身
虛已仰成輔弼雖踈遠小臣猶欲畢命自效而卿乃
以小疾求去絕無意於功名獨不惜此時乎勉卒乃
事使百姓富足四夷入安然後謝事歸老豈不臣主
俱榮哉

賜宰相呂公著乞罷相位不允斷來章批荅

口宣 元祐二年八月十八日

有敕卿之在位為德與民朕意不移徒煩屢請速起視事毋復固辭

賜守司空開府儀同三司致仕韓絳乞受冊

禮畢隨班稱賀免赴詔元祐二年八月二十七日

敕韓絳卿脫屣軒冕頌神丘園不為絕俗之高愈篤愛君之意喜聞冊號請觀內廷在臣子之誠心卿為盡節顧筋骸之未禮吾所未安

賜宰相呂公著乞罷免相位不允詔元祐二年八月二十日

敕宰相之責綬靖四方羗人既傳士氣益振長轡遠

馭方資老謀卿不强起孰卒吾事近以二老之故創亟拜之禮而彥博執謙不回朕既從其請矣卿起就位復何疑哉

賜皇弟定武軍節度使開府儀同三司咸寧

郡王侯生日禮物口宣元祐二年八月二十日

有敕眷予母弟誕慶茲辰載詠斯千之祥宜均既醉之福祗膺寵數永錫壽祺

賜太師平章軍國重事文彥博辭免免入朝

拜禮允批荅口宣元祐二年八月二十日

有敕卿勲德愈高謙恭不伐盡事君之禮忘屈身之

勞重違嘉言特寢前命

生獲鬼章文武百寮稱賀宣答詞元祐二年八月二十

太皇太后

種羗叛換西鄙纒騷首出偏師遂擒元惡安邊之喜與卿等同之

皇帝

凶狡就俘羗戎一震既增吏士之氣亦寬戍守之勞靖寇息民與卿等同喜

八月二十八日入內高班蔡克明傳宣取批

答宰臣以下賀生獲鬼章表

太皇太后

國家偃兵息民函養中外鬼章無故犯順神人弃之雖廟社無疆之休亦將相一心之助封章來上嘉歎不忘

皇帝

中 朕上承慈訓下盡群策務漸寬於民力本無意於邊功既狂狡之就擒知休息之有日再閱來奏嘉歎于

賜皇封成德荆南等軍節度使守太尉開府

儀同三司荆王頽生日禮物口宣元祐二年八月二十

有敕卿以名世之傑居对父之親乃眷良辰實鍾餘慶宜膺異數之禮永錫無疆之休

賜宰相吕公著辭免不拜恩命允批荅元祐二年

九月三日

卿執德惟一守禮不回不以坐論為安而以拜上為泰使朕不盡養老之意而卿得畏威之道勉從其志嘉歎不忘

賜宰相吕公著辭免不拜恩命許批荅元祐二年

九月一日

君之視臣譬之卒之方責其大不强所難而卿深執謙恭力求避免深惟孔子事君盡禮之義曲從其請以做情媮

熙河蘭會路賜种誼已下銀合茶藥及撫問

犒設漢蕃將校以下口宣元祐二年九月二日

有敕汝等受成元帥問罪種羗既俘凶渠備見忠力各加犒賜用示眷懷

賜保靜軍節度使檢校司空開府儀同三司

建安郡王宗綽生日禮物口宣元祐二年九月二日

有敕位隆將相德重宗藩方秋律之既深紀門孤之多慶宜膺寵錫以介壽祺

撫問劉舜卿兼賜銀合茶藥口宣元祐二年九月二日

有敕卿翰屏西服威懷種羗嚴兵盛秋得雋戎落特遣勞問仍示寵頒

賜陝府西路轉運判官孫路銀合茶藥口宣

元祐二年九月五日

有敕汝以職事出按邊防屬此軍興想勞心計宜加寵錫以示眷懷

賜陝府西路轉運司勾當公事游師雄銀合

茶藥口宣元祐二年九月五日

有敕汝以儒臣習知疆政主事靡盬周爰咨謀宜有寵頒以旌勲瘁

西京會聖宮應天禪院奉安

神宗皇帝御容奏告 諸帝祝文元祐二年九月六日

於穆 神考陟配在天有嚴祠宮後祀 我祖時日

協吉聖靈其安寵綏後人永錫純嘏

西京應天禪院會聖宮奉安

神宗皇帝神御祝文元祐二年九月六日

於皇在天丕冒下土矧此山陵之近顧瞻兩都宅於

嵩洛之間上照五聖有嚴淨宇會聖宮改祇奉粹顏

願追梵釋之遊會聖宮改為永答人天之望

生擒西蕃鬼章奏告 永裕陵祝文元祐二年九月

日五

大獮獲禽必有指蹤之自豐年高廩孰知耘耔之勞
憬彼西戎古稱右臂自嘉祐末木征擾邊至熙寧中
董擅方命於赫聖考恭行天誅非貪尺寸之疆蓋為
民除蠱孽遂建長久之業不以賊遺子孫而西蕃大
首領鬼章首犯南川北連拓拔申命諸將擇利而行
旋聞偏師無往不克吏士用命爭酬未報之恩 聖

靈在天難逃不漏之網已於八月戊戌生獲鬼章頡
利成擒初無渭水之恥郵支授首聊報谷吉之寃謹
當推本聖心益脩戎略務在服近而來速期於偃革
以息民仰冀威神曲垂昭鑒

賜太師文彥博上第一表乞致仕不允批荅

元祐二年九月八日

省表具之卿之求去蓋數矣言不為不切而朕終莫
之後朕之留卿亦至矣禮不為不盡而卿終莫之亮
君臣之際情不相喻朕甚疑之夫樂丘園而厭軒冕
亦古人之一節而非聖賢之高致尊者老以重 朝廷

蓋天下之大計而非仲人之私欲與其使朕屈公議
以從卿曷若卿少貶其私意以徇天下乎

賜太師文彥博上第一表乞致仕不許批荅

元祐二年九月八日

覽表具之卿之所以欲去者二疲於朝會勞於應物
一也功成身退欲享其樂二也而吾之所以必留者
二卿以傑人之資開物成務世不可闕一也弼亮
四朝更涉變故謀無遺策二也名冠天下進退之間
為國休戚三也吾方盡養老之道殺禮以優賢廟堂
之上猶有足樂則夫卿之欲去者可回而吾之必留

者蓋不可易也

賜太師文彥博乞致仕第一表不允批荅口

宣元祐二年九月九日

有敕朕上承慈訓下酌民言秉國之成非卿莫可來
請雖切朕意不移

賜太師文彥博乞致仕不許斷來章批荅

元祐二年九月十一日

覽表具之為君難為臣不易非吾推誠無疑不能起
卿於安佚非卿忘身徇國不能從我於艱難任用之
初中外相慶搢紳莫不競勸父老至於涕流中道而

歸其義安在宜思一身之樂輕於社稷毋使庶人之
議及於朝廷

賜太師文彥博乞致仕不允斷來章批答
元祐

二年九月十一日

省表具之君子安身業德如山嶽之鎮開物成務如
江河之流若山嶽之鎮動搖不安江河之流行止自
便則物將交病人亦何觀朕之望御無以異此宜守
不移之志以成可大之功

賜太師文彥博乞致仕不允斷來章批答
口

宣
元祐二年九月十一日

有勅卿望重百辟威聞四夷進退之間輕重所寄毋
煩屢請朕命不移

賜太師文彥博乞致仕不允詔
元祐二年九月十日

朕彥博卿求退之意著於士民執謙之心信於天地
勉當委重之託初無懷祿之嫌大以我苟安細故可略
朕命不再卿其少安

賜太師文彥博乞致仕不許詔

朕彥博論道則忘年卿不可以年既高而為請稱德
則鄙力卿不可以力不足而為詞斷之於中義有不
易豈以屢請之故而廢將成之功體君至懷以慰公

議

十月一日永裕陵下宮開啓資薦

神宗皇帝道場齋文元祐二年九月十一日

橋山永望莫賜弓劍之餘陽月載臨徒增霜露之感

招延淨衆崇建梵筵庶集勝因仰資真馭

撫問秦鳳等路臣寮口宣元祐二年九月十八日

有敕卿等緜馭兵民布宣條教眷惟忠藎想極劬勞

屬此早寒各宜厚愛

西京會聖宮應天禪院奉安

神宗皇帝御容禮畢元祐二年九月十八日

日十七

原廟告成神游既奠雖聖靈之無礙對越在天從

世法之有為歸依於佛普願幽明之域悉登淨妙之

庭集此勝因以資仙馭

白溝驛傳宣撫問大道賀興龍節人使及賜

御筵口宣元祐二年九月十二日

有敕卿等遠馳信幣來慶誕辰念此脩塗喜於入境

宜加燕勞以示眷存

西京會聖宮應天禪院奉安

神宗皇帝御容前一日奏告永裕陵祝文元祐二年九月十八日

二年九月三日

國家推本漢儀立郡國之廟參用唐制就佛老之祠
乃眷洛都載瞻園寢並興靈宇以奉神嬉閱惟冲入
恭臨成憲謹擇良日臨遣近臣庶回日月之光少答
人天之望

沿路撫問奉安

神宗御容禮儀使呂大防已下口宣元祐二年九月二

日十二

鄭州

有敕卿等恭持使節祗事祠宮遠涉郵途實勞所處

特加存問以示眷懷

鞏縣

有敕卿等出使別都展儀原廟街涉微稟勤勞遠
體此眷懷宜加調衛

西京

有敕卿等暫去闕庭服勤郵傳奉祠之重率禮為勞
已事遂歸式符眷遇

賜嗣濮王宗暉生日禮物口宣元祐二年九月二

有敕流澤之深積慶之厚嘉此良日為生賢王受茲
多儀永錫難老

永裕陵十月旦表

戒寒堽戶倏及於春正前晦行陵祗循於漢禮恭惟
謚號皇帝懿文緯世厚德載時休老勞農追述養民
之政厲兵講武敢忘經國之誅永望寢園益增感慕

西京會聖宮應天禪院奉安

神宗御容禮畢押賜禮儀使已下御筵口宣

元祐二年九月二十一日

有敕卿等既成原廟復奠神游乃眷元臣往嚴盛禮
宜均燕衍以示眷存

賜龍圖閣直學士尚書工部侍郎蔡迥慶乞

知應天府不允詔元祐二年九月十六日

敕迥慶入侍禁近出殿藩服已試之效藹然有聲今

若予工宜有餘力夫游乃肯繁尚不辭難退食委蛇

豈當告病膚理微疾行當自痊勉安厥官以稱朕意

賜外任臣寮等進奉坤成節功德疏詔敕書

元祐二年九月二十四日

敕馮京職雖在外忠不忘君集勝妙之良因致壽康
之善禱眷言誠盡良極歎嘉

賜朝奉郎通判梓州趙君夔進奉坤成節無

量壽佛教書元祐二年九月二十四日

敕趙君奭相好妙嚴衣誠傾盡汝期乃后享無量之
年吾欲斯民同極樂之世永言忠愛良用歎咨

趙州賜大遼皇帝賀興龍節大使茶藥詔元祐

二年九月十七日

敕隣歡載講使節甚華永言郵傳之勤遠此風霜之

候宜加寵賚以示眷存

趙州賜大遼皇帝賀興龍節副使茶藥詔元祐

二年九月十七日

敕卿載馳遠道良苦祈寒豈無藥物之嘉以輔寢興
之節宜膺寵賜尚望至懷

神宗皇帝御容至會聖宮并應天禪院前

日奏告 諸帝祝文

三靈眷命 六聖在天崧洛之間仙釋所館惟茲言
神之始當附出游之庭念彼元臣昔皆侑食一新惟
肖之像永陪如在之神敢冀威靈曲垂昭鑒

十月朔本殿夫人往永裕陵酌獻

神宗皇帝表本

雨霜墮籜感閉塞於天時收潦滌場思艱難於王業
恭惟 尊謚皇帝禹功紀地堯則惟天威加四夷尚
餘肅物之凜仁及萬彙永同挾纊之溫省奉無期

懷靡極

賜熙河路副總管姚兪等銀合茶藥口宣

二十二年九月十四日

有敕卿以武略過人忠義思報焚蕩虜境宣明國威特示寵頒以觀來效

賜尚書左丞劉摯生日詔元祐二年九月十一日

敕劉摯律協應鍾辰集析木實生俊輔休有令名膺我寵章以介眉壽

東坡內制集卷第四

東坡內制集卷第五

神宗皇帝御容進發前一日奏告諸宮觀

青祠元祐二年九月十五日

嵩洛之間山峙以所在嚴道釋之淨宇奉衣冠之祠恭擇良辰啓行仙馭敢徵福於群聖庶流祉於吾生仰叩真靈冀垂昭監

神宗皇帝御容進發前一日奏告天地社稷宗

廟等處

祗畏天明率循祖武進衣冠之原廟鎮崧洛之靈祠恭擇良辰啓行仙馭分遣執事並告有神

賜涇原路經略使并應守城禦賊漢蕃使臣已

下銀合茶藥兼傳宣元祐二年九月五日

有敕戎虜逆天無故犯順忠義所激戰守有方將魚
相望示以形勢太羊自遁亭候無虞爰念勤勞不忘
嘉歎

賜太師文彦博生日詔元祐二年九月二十九日

敕彦博陽月載臨剛辰協吉篤生元老弼亮四朝允
為廊廟之華豈獨閨門之慶往膺寵數永錫壽祺

賜大遼賀正旦人使白溝驛御筵并撫問口宣

元祐二年九月七日

有敕卿等遠馳華節冒履薄寒恭言郵傳之勤少樂
燕嘉之賜往申寵問式示眷存

賜資政殿學士太中大夫新知成都府王安禮

乞知陳頴等一郡不允詔元祐二年九月一日

敕安禮朕惟西蜀地狹而賦重人懦而吏肆徭役新
定農民在官馭之無方將不勝弊惟朕左右信臣明
而不苛寬而有斷必能肅遏慢吏扶養小弱卿雖微
疾強為朕行時近藥石勉事道路稱朕意焉

皇帝達

太皇太后賀大遼皇帝生辰書元祐二年

寒律既周誕辰載紀恭披 慈闈之誨俾脩慶幣之儀永介壽康式符頌禱更新祈調衛以副頌言

皇帝賀大遼皇帝生辰書 元祐二年

大呂還宮攝提正丑載協誕彌之慶永膺壽考之祥臨遣使輶往陳信幣其為欣禱莫盡名言

汧路賜奉安

神宗御容禮儀使呂大防銀合茶藥詔 元祐二年十月七日

敷大防於赫 神考如日在天雖光明無所不臨而躔次必有所舍肆予命爾祗奉此行禮既告成勤亦良至感慕之外嘉歎不忘

汧路賜奉安

神宗御容押班馮宗道并內臣等銀合茶藥敕

書 元祐二年十月七日

救馮宗道逮事有年追遠不懈屬祠宮之告具駢日馭以遄征往復之間忠勞亦至特加存問尚體至懷 汧路賜奉安

神宗御容禮儀使呂大防押班馮宗道并使臣

已下銀合茶藥兼傳宣撫問口宣 元祐二年十月七日

有勅 卿祗率宮常往嚴像設屬此寒凝之候眷言往返之勞式示寵綏特加優錫

太皇太后 皇太后 皇太妃受冊禮畢奏謝
天地社稷宗廟諸宮觀并諸陵青詞齋祝文概

二年九月
二十七日

至哉坤元政必先於治內養以天下孝莫大於尊親

昔首正於號名今復嚴於典冊禮樂既具神人允諧

分命適臣諸陵政分命爾臣恭致成事仰祈昭鑒永

錫鴻休無任懇惓之至

太皇太后 皇太后 皇太妃受冊禮畢祭諸

神廟祝文元祐二年九
月二十七日

至哉坤元政必先於治內養以天下孝莫大於尊親

昔首正於號名今復嚴於典冊禮樂既具神人允諧

分命有司往告成事庶祈靈祐永保鴻休

隆祐宮設慶宮醮青詞

伏以長樂告成光動紫宮之象清都下照誠通絡關

之僊祗率多儀肅陳菲薦永惟慈孝之本克享天人

之心介萬壽之無彊錫五福之純備無任懇禱之至

賜太師文憲博生日禮物口宣元祐二年
十月五日

有敕卿勲在廟社名聞華夷允儲河嶽之靈宜享喬

松之壽往頒寵數以慶佳辰

賜南平王李乾德曆日敕書元祐元年
十月八日

敕乾德眷彼海隅被予聲教宜有王正之賜以爲農
事之祥動卹遠民以問嗣歲

永裕陵十二月旦表本

伏以商正紀曆大呂旋宮論時令以待來歲之宜獻
民方以共宗廟之祀恭惟 謚號皇帝至仁無外全
德難名文物聲明但觀乘時之迹昆蟲草木孰知成
歲之功急景易遷永懷何極

皇帝達

太皇太后賀大遼皇帝正旦書

元祐二年

歲聿肇新鄰歡載講恭被 慈闈之誨遠通慶幣

之誠益冀保頤永發壽嘏

皇帝賀大遼皇帝正旦書

三陽朋來慶二儀之交泰 兩朝繼好納萬民於昇

昌申勅使車肅將禮幣願符善禱永介純釐

冬季傳宣撫問諸路公邊臣察口宣

元祐二年十一月十八日

有敕卿等守禦邊疆憂勞夙夜屬茲寒返想各康強
特示眷存徃申勞問

賜新除龍圖閣直學士依前中散大夫陳安石

辭免恩命不允詔

元祐二年十一月十八日

敕安石士出身從仕少壯陳力耆老守節朕必有以

寵綏之卿遠事四朝敬歷中外號稱良能不見過失
書閣之拜衆以為宜無復固辭以遂成命

賜資政殿學士太中大夫新差知成都府王安

禮銀合茶藥詔元祐二年十月八日

救安禮朕求治如不及用人惟恐失之矧余良臣惟
自神考出入中外厥聲藹然朕豈欲其遠去哉特以
全蜀之寄甚難其選知卿篤於忠義當不以遠近為
意也勉事道路慎疾自愛住安吾民以稱朕意

撫問知河南府張琛知永興軍韓縝口宣元祐二年十月十日

有敕卿較自廟堂出為師帥勞於綬御寬我顧愛屬
以寒凝勉加酒養

冬三季撫問陝西轉運使副口宣元祐二年十月十八日

有敕卿言成於事畢農工既休永言乘傳之勞未遑
退食之勞勉加輔養尚副眷懷

賜資政殿學士新差知成都府王安禮詔書銀

合茶藥傳宣撫問口宣元祐二年十月二十七日

有敕卿西南之寄古今所難蓋自祖宗以來或輟
鈞衡之舊與衆同樂非卿孰宜

賜資政殿學士新差知成都府王安禮詔書銀

王佶生日禮物口宣

元祐二年十月一日

有敕乃眷賢王惟予介弟篤生茲日流慶方采往致
予言以為爾壽

趙州賜大遼賀興龍節使副茶藥口宣

元祐二年十月一日

有敕卿等久懃輶傳遠涉風埃既漸通於中邦方少
安於候館往頒珍劑以示眷懷

雄州撫問大遼賀興龍節使副口宣

元祐二年十月十日

有敕卿等恭修鄰好遠慶誕辰眷惟授館之初益喜
造朝之近往申問勞式示眷存

雄州撫問大遼賀正旦使副口宣

元祐二年十月十八日

有敕卿等遠會春朝篤修鄰好言念乘輶之久欣聞
入境之初式示眷存往申問勞

元祐三年春貼子詞

皇帝閣六首

其一 五言

藹藹龍旂色琅琅木鐸音數行寬大詔四海發生心

其二

賜谷賔初日清臺告協風願如風有信長與日俱中

其三

草木漸知春萌芽處處新從今八千歲合抱是靈椿

其四 七言

聖主憂民未解顏
天教瑞雪報豐年
蒼龍掛闕豐衣祥
正父老相呼看藉田

其五

昨夜東風入律新
玉闈知有受降人
聖恩與解河湟
凍得共中原草木春

其六

翰林職在明光裏
行樂詩成拜舞中
不待鸞開小桃
杏始知天子是天公

太皇太后閣六首

其一 五言

凋刻春何力
欣榮物自知
發生雖有象
覆載本無私

其二

小殿黃金榜
朱簾白玉鈎
一聲雉雙日
蹕春色滿皇州

其三

仗下春朝散
宮中晝漏稀
兩廂休侍衛
應下讀書幃

其四 七言

五日占雲十日風
憂懃終歲為三農
春來有喜何人
見好學神孫類祖宗

其五

共道十年無臘雪且欣三白壓春田盡驅南亩扶犁
手稍發中都朽貫錢

其六

不獨清心能省事應緣克己自消兵傳聞塞外千君
長欲趁新年賀太平

皇太后閣六首

其一 五言

寶冊瓊瑤重新庭松桂香雪消春未動碧瓦麗朝陽

其二

瑞日明天仗仙雲擁壽山倚欄春晝永金母在人間

其三

朝罷金鋪掩入闕寶瑟塵欲知慈儉德書史樂青春

其四

七言

仙家日月本長閑送臘迎春豈不然翠管銀罌傳故
事金花絲勝作新年

其五

彤史年來不絕書 三朝德化婦承姑宮中侍女咸
珠翠雪裏貧民得袴襦

其六

邊庭無事羽書稀闕遣詞臣進小詩共助至尊歌喜

事今年春日得春衣

皇太妃閣五首

其一 五言

葦排猶在戶椒栢已稱觴歲美風先應朝回日漸長

其二

甲觀開千柱飛樓擢九層雪殘烏鵲喜翔舞下飢枝

其三 七言

孝心日奉東朝養儉德應師大練風太史新年瞻瑞
氣四星明潤紫宮中

其四

九門挂月未催班清禁風和王漏閣崇慶早朝銀燭
下珮環聲在五雲間

其五

東風弱柳萬絲垂的皜殘梅尚一枝靈館乍欣殊蟲浴
後棹壇猶記燕未時

夫人閣四首

其一 五言

綵勝縷新語酥槃滴小詩昇平多樂事應許外庭知

其二

細雨曉風柔春聲入御溝已漂新荇沒猶帶澗水流

其三

七言

扶桑初日映簾幕已覺銅餅暖不冰七種共桃八月
菓千枝先剪上元燈

其四

雪消鴛瓦已流澌風暖屏盤尚鎮帷
綵雲紫霧明月下壁門桂影夜參差

皇帝回大遼皇帝賀興隆節書

元祐二年

誕日載臨鄰惟歲講封疆雖遠剋刻不踰惟信睦之
交修識情文之兩至益深雅好良極欣宗

皇帝送

太皇太后回太遼皇帝問候書

元祐二年

嘉平紀月震風此正時屬茲慶使之來重以
慈闈之問尋因省侍悉以誠言欣感之深敷陳固究

賜宰相呂公著生日詔

元祐二年十月十八日

敕公著卿三世丞相 四朝耆老齊我良弼實惟
辰茂膺維嶽之雨並永錫如陵之壽就頒寵數以示眷
懷

賜宰相呂公著生日禮物口宣

元祐二年十月十八日

有敕卿仁以庇民忠以衛上誕彌之日慶慰良深往
錫寵章以介眉壽

冬季撫問諸路沿邊臣寮口宣

元祐二年十一月十八日

有敕卿等分憂人外並塞早寒眷此勤勞形於軫念往加勞問式示有存

賜于闐國使奉人進發前一日御筵口宣

元祐二年十一月九日

有敕汝等奉琛亦覲已事言歸式嘉慕義之誠宜

有勞還之澤往亦燕衍祇服恩私

賜外仕臣亦曆日敕詔書

元祐二年十一月四日

敕韓績朕肇修紀祇畏天明欽若舊章式頒新曆凡我承流之寄亦成平秩之功

班荆館賜亦

遼賀正旦人使到關御筵口宣

元祐二年十一月四日

有敕卿等夙抗伸旌少休郊館乃眷川途之邈載惟

駸馭之勞特賜亦私以旌勤瘁

班荆館賜亦

遼賀興龍節人使酒果口宣

元祐二年十一月九日

有敕卿等遠乘亦傳方造都門屬此寒凝久於衝涉宜加就賜之禮亦示勞來之恩

班荆館賜亦遼賀興龍節人使御筵口宣

元祐二年十一月十一日

有敕卿等遠犯嚴寒來修舊好載喜使華之近特申
郊勞之儀朕我因念私少留燕衍

賜五臺山十寺僧正省奇等進奉與龍節功

德疏等獎以剛敕書元祐二年十一月

救省奇等清涼之域僂聖所游爰因彌月之辰來獻

後天之祝永言勸志至良極歎咨

相州賜大臣賀正旦人使御筵口宣元祐二年十一月

有敕卿等篤修雅好少憇近邦屬冰雪之嚴凝念已
徒之勤勩往加燕勞式示眷懷

賜諸路臣寮春季銀鞋兼撫問口宣元祐二年十一月八日

有敕卿等各竭乃心久勞于外屬此寒凝之候永惟

綏馭之勤式示眷存往加勞問

撫問知大名府馮京口宣

有敕卿以元老卧護北門寬我顧憂想勞綏御屬

茲寒亟益務保順

賜大遼賀興龍節使副鈔鑼等口宣元祐二年十一月十八日

有敕卿等解駝授館方講於鄰歡遣使勞來宜敦於

主禮往加優錫以示眷懷

賜大遼賀興龍節人使雄州回程御筵口宣元祐二年十一月

二年十月二十八日

有敕卿等聘事既成歸途尚邈屬此冰霜之候眷言來往之勤宜錫燕私少紓行役

賜外任臣寮進奉興龍節馬敕書

元祐二年十一月二十四日

敕劉永年汝職在蕃宣義均休戚旅庭稱慶因物見誠乃眷忠勤不忘嘉歎

賜知樞密院事安燾已下罷散興龍節道場香

酒果口宣

元祐二年十二月一日

有敕彌月之祥敷天同慶眷朕肱之畢力延釋梵以祈年申以寵頒助其愷樂

賜步軍副都指揮使苗授已下罷散興龍節道

場香酒果口宣

元祐二年十二月一日

有敕卿等志在愛君忠於衛上屬誕彌之紀慶修淨供以祈年宜有寵頒以旌勲意

賜大師文彥博已下罷散興龍節酒果口宣

元祐二年十一月十日

有敕卿等以弼量之重散勞王家因誕慶之辰修崇法會宜頒芳旨以示眷存

賜大遼賀興龍節前一日內中酒果口宣

元祐二年十一月十日

有敕卿等抗旌就館已觀車騎之華奉幣造朝復歎威儀之美就加寵錫以示眷懃

賜大遼賀興龍節十日內中酒果口宣元祐二年十二日
有敕卿等奉幣講歡造廷稱壽嘉禮儀之閑習宜
寵錫之便蕃受此珍甘以旌眷遇

賜大遼賀興龍節朝辭訖歸驛御筵口宣元祐二年十二日
有敕卿等使事既終陞辭而後少休賓館將整歸
駢特示至懷更頒嘉燕

賜大遼賀興龍節瀛洲回程御筵口宣元祐二年十
有敕卿等已修舊好復改北轅雖候館之少休眷歸途
之尚邈往頒燕俎以示至懷

賜新除寶文閣直學士李之純辭恩命不允詔元祐二年十月四日

敕之純祖宗之文章與典謨訓誥並寶於世與領其
事非有德君子雖積勞又次不以輕授蜀遠而人慙
窮困抑塞至無所訴朕專欲以德安之故內閣之命
非獨以寵卿抑將使蜀人知朕用卿蓋以德選也其
深識此意勿復固辭

賜大遼賀興龍節人使朝辭歸驛酒果口宣元祐二年十一月八日

有敕卿等已事言旋指期夙駕歲寒遠道良用軫
懷宜有寵頒以旌勤奉

賜皇伯祖宗禪已下罷散興龍節道場香酒果

口宣
元祐二年十一月五日

有敕卿等以義重宗藩志存忠愛先期誕月臨命備
乘迨茲法會之成宜有分頒之寵

賜大遼賀興龍節人使射弓例物口宣
元祐二年十一月五日
有敕卿等懷四方之志挾五善之能終日射侯於是
觀禮宜中寵錫以法賓歡

東坡內制集卷第三

